

მინა

ქ. ჭილაშვილი
რ. პალაქოჩია

ნახატები ქ. მახარაძისა

გიგლასა და ზურას იდლიაში ცარიელი ბოთლები ამოეჩარათ და გამალებით მიეშურებოდნენ იმ მხარეს, საიდანაც ძია გიგოს ხმა მოესმათ: „ბატიბუტი ბოთლებზე, ბატიბუტი!“

ბიჭები სულ სირბილით ჩავიდნენ შარა გზაზე, მაგრამ ძია გიგოს თვალიც ვეღარ მოჰკრეს. დალონდნენ ბიჭები, ბოთლები მიწაზე დალაგეს და თვითონაც დასასვენებლად ჩამოსხდნენ.

— მოდი, ზურაბ, შენ ეს ბოთლები ჩამომწკრივე, მე კი კენჭებს დავაგროვებ და მიხანში ვესროლოთ, — გაუხაწილა საქმე გიგლამ.

— ძია გიგო რომ გამოჩნდეს? — შეყოყმანდა ზურაბი.

— დღეს აღარ გამოჩნდება, ხვალისათვის კი სხვა ბოთლები შევაგროვოთ. ვნახოთ ერთი, როგორი მიხანი იცი, ძალიან რომ ტრაბახობ ხოლომე!

— კარგი, ეგრე იყოს! — დაეთანხმა ზურაბი გიგლას და ბოთლების ჩამწკრივებას შეუდგა.

ჭახ-ჭახ-ჭახ!.. — იმტურეოდა მიხანში ამოღებული ბოთლები.

— აკი ტრაბახა ხარო? — თავი მოიწონა გიგლამ.

— ოჰო, შენც ისე მოგაქვს თავი, თითქოს მგლები დაგეზოცოს, დიდი ამბავი! — განგებ თქვა ზურაბმა, რადგან თვითონ რამდენჯერმე ააცდინა მიხანს.

— ბოთლების დაღწევა მართლაც არ არის დიდი საქმე! — ჩაერი აღაპარაკში გზად მიმავალი ძია კოტე.

— ჩვენ არ ვთამაშობთ, მიხანში



სროლას ვსწავლობთ, — თავი გაიმართლა გიგლამ.

— თქვენ რომ კარგი ვაჟაკები დადგებით, ამაში ექვი არ მეპარება, მაგრამ რატომ დაამტყრეთ ბოთლები? — უსაყველურა ძია კოტე.

— ბოთლი რა დასანანია, ბოთლების მეტი რა გვაქვს სახლში? — უდარდელად თქვა გიგლამ.

— შუშის ქარხანაც აქვე არ არის? — დაუმატა ზურაბმა.

— ყოფილხართ შუშის ქარხანაში? იცით, რამდენი შრომა და დრო სჭირდება ამ ბოთლების დამზადებას? — შეეკითხა ძია კოტე.

— არა, ჩვენ იქ ვინ შეგვიშვებს!

— აბა, ერთი ეს ნამტურევები ქულებში მოაგროვეთ და წამომყევით!

ბიჭებმა გაოცებით შეხედეს ერთმანეთს, მერე უხმოდ აკრიფეს ნატყებები და უკან გაჰყვენენ.

— გიგლა, მგონი, მილიციაში მიყვავართ, — გადაუწურჩულა ფერდაკარგულმა ზურაბმა.

— მილიციაში არა!.. ვანოს მამა მილიციელი არ არის, რომ ერთი ბოთლიც აღარ გადაურჩა უანოს? — დაამშვიდა გიგ-



ლამ ზურაბი, თუმცა თვითონაც შეფიქრინდა.

კარგა მანძილი გაიარეს და ბოლოს შუშის ქარხნის ეზოში შევიდნენ.

— ნადვილად დაგვსჯიან! სულ შენი ბრალია! — მუკლუგუნი გაჰკრა გიგლამ ზურაბს.

— ნატეხები აი, აქ დაყარეთ! ამას ხელახლა გავაღლობთ სილასთან ერთად და ისევ ბოთლებს ჩამოვასხამთ, — მიუთითა ძია კოტემ შუშის ნატეხების დიდ გროვაზე, მერე ბიჭებს ხელი ჩაჰკიდა და საამქროსაკენ წაიყვანა.

გამაყრუებლად გუგუნებდნენ და ქშინავდნენ გავარვარებული ლუმელები. ხანძარივით ეღვარე ცეცხლს გაოცებით შეპყურებდნენ გიგლა და ზურაბი.

ბიჭებმა ყურებზე ხელი მიიფარეს, აღმურს სახე მოარიდეს.

— რა ვეებერთელა აბაზანებია! — შესძახა გიგლამ.

ცეცხლგამძლე აგურის აბაზანებში ფაფასავით თუხთუხებდა და იხარშებოდა გასუფთავებული თეთრი სილა; აბაზანის მეორე მხარეს ლარის ქვეშ იდგა ვეებერთელა კეცი და შიგ აბაზანიდან თაფლივით იღვრებოდა ვაღლობილი მინა. ძია კოტემ ბიჭები საამქროს სიღრმეში შეიყვანა.

— კარუსელი, ზურაბ! — თვალი მოსტაცა გიგლას ბოთლების ჩამომსხმელმა მანქანამ, რომელიც მართლაც კარუსელივით ტრიალებდა.

— ისე არ ჩაჰკრავს ხოლმე ხელს, რო-

გორც შენ ცხელ ფელამუშუი იცი? — გააახსენა ზურაბმა გიგლას.

ბავშვები წელში მოიხარნენ, რომ უკეთესად დაენახათ, როგორ იტაცებდა დროდადრო მანქანის ჩამჩა გამძნარ მინას.

— ამას მკვეხავი ჰქვია! ეს აწვდის ყალიბებს მინას. ყალიბში მინა ჯერ ღეროს ფორმას იღებს, მერე დაიბერება და ამა, ხომ ხედავთ, ბოთლიც მზად არის!

— რა ლამაზებია! — გაოცებით შესცქეროდნენ ბიჭები გავარვარებულ წითელ ბოთლებს.






— თქვენოდენა ვიყავი, ამ ქარხანაში მუშაობა რომ დავიწყე, — მიმართა მათ ძია კოტემ, — მწელი იყო მაშინ აქ შრომა, მინის დამბერად ვმუშაობდი... გრძელი ღეროთი ჩვენ თვითონ ამოგვეკონდა გალღობილი მინა და სტვირავით ვბერავდით თითოეულ ბოთლს.

ლი ბოთლი გადმოიღო და მაშა მარჯვნივ — როგორ გაიქულიტა! — სიცილი მოერიათ ბიჭებს.

— უალიბიდან ახლად გამოსული ბოთლი რბილია, ხომ ხედავთ, როგორ გავარჯარებულაია. თუ თანდათანობით არ გავანვლეთ, ადვილად დამტკრევა. ამი-




კონვეიერიდან მუშა ქალი რკინის საკეციტ ფრთხილად იღებდა რამდენიმე ბოთლს და ახლა მეორე მხარეს სხვა ლუმელში ალაგებდა.

— ეს ლუმელები რაღა საჭიროა? — დაინტერესდნენ ბიჭები.
ძია კოტემ კონვეიერიდან დაწუნებუ-

სათვის ალაგებენ მეორე ლუმელებში, რომ თანდათან გაცედეს.


— ენა ვერ მოსთვლის, რამდენი რამ შეიძლება დამზადდეს მინისაგან. აბა, თქვენ რას დამისახელებთ? — მიუბრუნდა ბიჭებს ძია კოტე.



— ჭიკები! წყლის სურა!—წამოიძახეს ბიჭებმა.

— დედამ ქვაბიკ იყიდა, ცეცხლგამძლეაო, რძის ასადღებლად ეხმარობთ!— გაიხსენა ზურაბმა.

— მინისაგან ბევრნაირი ჭურჭელი მზადდება. აი, პერანგებიც რომ გაცვიათ



ისიკ მინისაგან არის დამზადებული! ბიჭებმა ეჭვით შეხედეს ძია კოტეს.

— დაუჯერებელს არაფერს გეუბნები! თვალით შეუმჩნეველ მინის ძაფისაგან მზადდება ათასნაირი ქსოვილი, უფრო მეტიც: მინა ერთ-ერთი გამძლე საამშენებლო მასალაა.

გავა არც ისე დიდი დრო და შეიძლება თქვენ თვითონ ააგოთ მინის ხიდები, სახლები, და ხის ავეჯს მინის ავეჯი ამჯობინოთ.

არ ეთმობოდათ ბიჭებს საამქრო, ძია კოტე კი ჩქარობდა,—მაღლე მეორე ცვლა იწყებდა მუშაობას.



მამაჩემი ჯარის ოფიცერი არის

მამაჩემი ჯარის
ოფიცერი არის.
შენის ფართო მსრები,
მსრებზე—ვარსკვლავები.
რა ჭქნა, თუკი მამას
წელაშდეც ვერ აწვდები.
როცა დილით ვსწვდები,
ფეხის წვერზე ვდგები,
ხელს მივიტან ქუღთან,
ისე ვესალმები.

თ. ჯანაღალიძე

რა ხმაური იხმის

3. პირველი ნახტი მ. ჩიჩინაშვილისა

ეს რა ხმაურია,
რა უეცინა იხმის?
შეხეთ, ბაღის ბოლოს
აშენებენ წისქვილს.
— ჩახა-ჩუხი! — შიშველ
გაიძახის ცუელი.
ბირდაბირმა ღამის
გაურუთს უერი.

ძალაძინი ფიცარს
ასწორებს და ქმინავს.
ბურბუშულა სწრაფად
მალღიდან ძირს ფრინავს.
ნოდარი და სოსო
აუენებენ ბოძებს,
მვეთულეების გაბმით
ბოძებს დათა მოსდევს.

სადაც არის წისქვილს
ააგებენ ძალე
და ხმაური ძირს
სოფელს გახანრებს.
ღენი სად აქვთ, ხედავ
ძთის ძირს კოხტად მდგარი,
დააკვირდი კარგად,
ელსადგური არის.
აღარ უნდა წუალი
და არც არსი გრმელი,
დააბრუნებს წისქვილს
ელსადგურის ღენი.



სანდრიკო

სამ დღეს ჩუმად იწვა სანდრიკო, დიდი სიცილე ჰქონდა. როცა გამოემჯობინდა, მიიხედ-მოიხედა, ყველაფერი ყურადღებით შეათვალიერა. ოთახში მის გარდა კიდევ ოთხი ბიჭი იწვა.

ხედავს სანდრიკო, რომ მასზე დიდ ბიჭებს საავადმყოფოში დედები ადგათ თავზე. ის კი მარტოა.

სანდრიკოს საწოლი ფანჯარასთან ახლოს დგას. ცოტა მოშორებით ვიხსნის საწოლია, მერე თემურისა; მოპირდაპირე მხარეზე კი რაჩიკას და ბუბუს საწოლებია ჩამწყობებული. ბუბუს ნამდვილი სახელი ნოდარი ჰქვია, მაგრამ სულ ბუ-ბუ-ბუს იძახის, ვითომ მატარებელი ვარო, და ბავშვებმა ბუბუ დაარქვეს.

— დედა, წყალი მინდა, — ხშირად ესმის სანდრიკოს.

— დედა, მურაბა მინდა!

— დედა, მეც მინდა წყალი! — სტაცა კაბაში ხელი თემურის დედას სანდრიკომ.

— დედა, წიგნი მომეცი! — სთხოვს რაჩიკას დედას.

— დედა, მურაბა მეც მინდა! — შეეხვეწა ვივას დედას სანდრიკო.



— დედა, მეძინება! — წააელო მან ჰელი თეთრხალათიან მორიგე ექიმს.

ბავშვები გაიბუტნენ.

— ეს როგორი ბიჭია? — ბუზლუნებენ ისინი, — ყველას დედას ეძახის, ლამის დედა წავეგართვას.

ღილით ყველაზე ადრე სანდრიკო იღვიძებს. ფანჯარაში შემოსულ მზის სხივებს ეთამაშება, კედელზე ხელებს უტაცუნებს.

— დედა, დედა, შეხედე! — ამბობს ის, და ყველა დედა, ვისაც კი მისი ხმა ესმის, ღიმილით უახლოვდება. მალე სხვა ბიჭებიც იღვიძებენ.



— დედა, ხალათი სად არის? — კითხულობს თემური.

— დედა, ფეხსაცმელები ჩამაცვი! — ყვირის რაჩიკა.

— დედა, წინდები ვერ ვნახე! — იბუტება ვოვა.

უკვირს პატარა სანდრიკოს, ამოდენა ბიჭები — თემური, რაჩიკა, ვოვა — დედას სთხოვენ ფეხსაცმლის ჩაცმას, თვითონ ვერ იცვამენ, ყველაფერს დაეძებენ.

— აბა, შეხებთ სანდრიკოს, როგორ უვლის თავის თავს, — ეუბნება ბიჭებს თემურის დედა, — სადამოთი ფეხსაცმელს და ტანსაცმელს საწოლთან ახლოს სკამზე აწყობს. დილით თვითონ იცვამს წინდებს და ფეხსაცმელს. ბიჭიკ ასეთი უნდა!

— პროფესორი მოდის! — გაისმა ძიძის ხმა. დაფაცურდნენ პატარა ავადმყოფები: ბალიშები და საბნები შეისწორეს. სანდრიკოც არ ჩამორჩა სხვებს. ბალიში მისწი-მოსწია, საბანიც გადაიხურა.

— ყველანი აქა ვართ, ყველანი მზადა ვართ! — ახმაურდნენ ბავშვები. სანდრიკო კი განაბულა, ხელები თავქვეშ ამოუღვია, თვალებს კარისაკენ აცეცებს.

შემოდის პროფესორი და თან მოყვებიან ექიმები. ხედავს სანდრიკო, რომ პროფესორის თხოვნაზე:

— აბა, გააღე პირი! აბა, ყელი მაჩვენე! — ბიჭები იშმუშნებიან, კრუსუნებენ. თვალებს ისე აუყეცენ, თითქოს თავებს სჭრიანო. როცა მისი ჯერი დადგა, ვაჟკაცურად გასწორდა, პირი დაადო,

თავიც ზევით ასწია. ყურზე თანამოძვე წაივლო ხელი და ექიმისაკენ გასწია. პროფესორმა მილი რომ დაადო, გოჭივით გაიტრუნა.

— ეს რა ყოჩალი ავადმყოფია! — შეაქეს ექიმებმა სანდრიკო.

კოტა ხნის შემდეგ ექიმის თანაშემწე შემოვიდა; ახლა ნემსი უნდა გაგიკეთოთო, — უთხრა მან ბიჭებს.

— ვაიმე, ვაიმე, გვეტყინება, — აკრუსუნდნენ ისინი.

— ექიმო! თუ ჩემი ხათრი გაქვთ, ნემსი არ გამიკეთოთ, — ეხვეწება თემური.

— შეშინია, არ მიჩხვლიტოთ, — აღრი-აღლა რაჩიკა.

— ჩემს მაგივრად დედას გაუკეთეთ ნემსი, — იცრემლება ვოვა. ნეტავ რად ეშინიათ? — ჩუმ-ჩუმად ათვალეირებს ყველას სანდრიკო.

როცა მისი ჯერი დადგა, გვერდზე გადატრიალდა, ნემსი ისე გაიკეთა, წარბიც არ შეუხებია.

— ეს რა კარგი ბიჭია! — მოეფერა მას ექიმი.

ოთახში ახალგაზრდა ქალი შემოვიდა და იკითხა:

— ვინ არის აქ ალექსანდრე?

სანდრიკომ ყურები ცქციტა და წინ გამოექეცა.

— ისეთი გრძელი სახელი გაქვს, რომ ბუმბერაზი მეგონე, შენ კი რა ერთი ციკქნა ყოფილხარ?! — სიცილით უთხრა ქალმა და ბებიას გამოგზავნილი ძღვენი გადასცა. სანდრიკომ თავისი ხელით ამოაღა ვაშლები, კამფეტები, თბილი ხაჭაპურები. მერე აქეთ-იქით გაიხედა,



ყველა შეათვლიერა. როცა სხვები ლე-
ბულობენ საჩუქრებს, მასაც უნაწილებენ.
თვითონ ვისზე ნაკლებია? ხაჭაპურები
ლედებს ჩამოურიგა; კამფეტები ბიჭებს
გაუნაწილა; ვაშლიც დაარიგა. დედებს
ძალიან გაუხარდათ სანდრიკოს გულუხ-
ვობა.

თემურის და რაჩიკას საჩუქრად ფერად-
ფერადი ფანქრები მოუვიდათ.

ბიჭებმა ხატვა დაიწყეს.


— მომე, მომე,—ხელგაწვდილი შეეხ-
ვეწა სანდრიკო მათ.

— მივცეთ თითო-თითო ფანქარი,—

ფანქრები სანდრიკომ და მის წინ გამო-
ქიმა.

— ერთი ამას უყურეთ, რა ალალი
ბიჭია!—გაეღიმა ნუცა ძიძის. სუფთა ქა-
ლადის ფურცლები მიუტანა სანდრი-
კოს და დაუყვავა:—აი, ამაზე დახატე!

ამ დროს კარი ფართოდ გაიღო. დი-
დი ქვებით ფაფა შემოიტანეს, ჩაიღნით—
ჩაი. დაფაცურდა სანდრიკო. კარადა გა-
მოაღო, თეფშები და კოვზი მოიმარჯვა.
ტიქაც არ დაივიწყა. ზის და მადიანად
შემეტყვევა, თანაც გულზე ხელს იცემს:



გადაწყვიტეს ბიჭებმა და ორივემ გაუ-
წოლა წითელი და ყვითელი, კობტად
წვერწათლილი ფანქრები.

სანდრიკომ გაიხარა. თეთრად შეღე-
ბილ კედლებს ორივე ფანქარი ერთად
გაუსვა და გრძელი ლიანდაგი გაიყვანა.

— თვალები კი დამიდგეს, ეს ვის დაუ-
ჯღაბნია?—გაჯავრდა ნუცა ძიძა.

— დედა, დედა, აი, მე!—გაუშვირა

— იფ, რა გემრიელია!

როცა ფაფის ჭამას მორჩა, ხელში ჩაით
სავსე ტიქა აიღო, პირთან მიიტანა და
ერთბამად წამოიძახა:

— გაუმარჯოს სანდრიკოს!

სახელოვანი

იხვის ჭუჭული

ჭიმი

(ნაწევები)

საქართველო
საბავშვო ჟურნალი



როხელ ტიმი ჰიშკარში გავიდა, მიიხედ-მოიხედა და მინდორისაკენ მოუსვა.

— გესმის, ტიმი! — შეწუხდა დედა იხვი. — ნუ მიდიხარ ასე შორს!

— ნუ გეშინია, დედა! — დაიყვირა ტიმმა, — მალე დაებრუნდები! — და სირბილით განაგრძო გზა.

ირბინა, ირბინა და უცებ ღელე დაინახა.

— ბიჭოს, — თქვა ტიმმა, — რა კარგი საბანაოა! რა წმინდა წყალია! ჩვენი გუბურა ამას ვერც კი შეედრება.

ტიმმა ჯერ კენჭები დაათვალიერა ფსკერზე, მერე კი ის იყო დღელეში ჩასვლა დააპირა, რომ წყლიდან უცებ რალაც გრძელდებოდა, თვალეგებად მოკარკელული ურჩხული ამოძვრა.

— ვაი, ვინა ხარ? — იკითხა შეშინებულმა ტიმმა.

— მე ბაყაყი ვარ, — უპასუხა ურჩხულმა და ნაპირზე ამოხტა.

— ბაყაყი? — გაუხარდა ტიმს. — ჩინებულია.

დედა ამბობს, ბაყაყები გემრიელები არიანო. მოდი, შეგქაპ!

— აბა, სცადე, — დაიყვირა ბაყაყმა.

— ვცდი კიდეც! — შესძახა ტიმმა და ბაყაყისაკენ გაქანდა.

— ყი-ყი, ყუა-ყუა! — არხეინად წამლერა ბაყაყმა, მერე უცებ მარცხნივ გახტა ბალახში. ტიმი მიტრიალდა, ბაყაყმა კი ამჯერად მარჯვნივ ისკუპა; ტიმი დაედევნა, ბაყაყი შეხტა მალლა, შემოაჯდა ზურგზე და დაუყვირა:

— აჩუ! აჩუ! აბა, მკვირცხლად!

შეშინებულმა ტიმმა ვახვახი მორთო:

— დედა! ბაყაყს ჩემი შეგმა უნდაა! დედა იხვი შეილისაკენ გაქანდა. ბაყაყმა იხვი დაინახა თუ არა, წყალში ისკუპა, ბუყ-ბუყ-ბუყ! — ჩაიყურყურმელადა და თავს უშველა.

— გრცხვენოდეს, ბაყაყს ზურგით რომ ასეირნებ! — გაუჯავრდა ტიმს დედა იხვი. — ბაყაყი ხომ საქმელია. აბა, სად გაგონილა, სულელიო, მწვანე ბაყაყის ზურგით გასეირნება? ასეთი რამ თუ კიდეც ჩაინდინე, მიგტყეპავ!

— ბუყ-ბუყ-ბუყ! — დაიბუყბუყა წყალში ბაყაყმა.



თავჩაქინდრული ტიმი ბანცალ-ბანცალით გაჰყვა დედას. უცებ მან რალაც უცნაური ნივთი შენიშნა და შედგა. ბალახში ღუმელის ძველი მილი ეგდო.

— ეს ხომ ნამდვილი გვირაბია!—გაუხარდა ტიმს.—რა კარგია! მე კი ორთქლ-მავალი ვიქნები.

ღიდი ვაი-ვაგლახით შეცოცდა ტიმი მილში და იმწამსვე მთლად გაიმურა. რაც უფრო ღრმად მიიწევდა, მით უფრო შავი ხდებოდა. როცა მილიდან გამოძვრა, ნისკარტიც კი გაშვებოდა.

ღედა იხვმა არ იცოდა, რომ ტიმი მილში შეძვრა. იგი დარწმუნებული იყო, რომ ტიმი წყნარად მისდევდა უკან. უცებ მიიხედა და...

— მიშველეთ! მიშველეთ!—დაივხვანხა დედა იხვმა და თავისი ქუქულები საკენ მოჰკურცხლა.—ჩქარა! თავს ვუშველოთ! უკან ვილაც შავი მახინჯი მოგვდევს!

ღედა იხვი და ქუქულები, რაც ძალი და ღონე ჰქონდათ, გარბოდნენ, ტიმი კი მისდევდა მათ და ყვიროდა:—მოიკათ! მოიკათ! ეს მე ვარ, ტიმი!

მაგრამ დედა იხვს და ქუქულებს არ ესმოდათ ტიმის ყვირილი. ისინი ხმამალლა ვახვახვებდნენ, ეცემოდნენ, ღებოდნენ და ისევ გარბოდნენ.

აგერ გუბურაც.

— წყალში ჩახტით!—გასცა ბრძანება დედა იხვმა.—ალბათ, შავმა მახინჯმა ცურვა არ იცის.

ქუქულები წყალში გადაეშენენ და დედა იხვიც მათ მიჰყვა.

ტიმს რალამოუვიდა? ტიმმაც მიირბინა გუბურასთან, ის კუპა წყალში და ჩაიყურყუმელავა.

აი, უკვე წყლიდან ამოჰყო თავი.

შებნით, იგი კვლავ ყვითელი და ლამაზია! დედა იხვმა ფრთხილად მიიხედ-მოიხედა.

— რა იქნა შავი მახინჯი?—გაიკვირვა მან.—თავი დაგვანება! გვეშველა! ტიმ, შენც აქა ხარ?

— დიახ, დედიკო,—დაიყვირა ტიმმა,—შავი მახინჯი მე გავაგდე. შიში ნუ გაქვთ! თქვენს თავს არავის დავაზაგერიებ!


— ყოჩაღ, ტიმ!—ერთხმად შესძახეს ქუქულებმა,—მართლაც ჭკვიანი და მამაცი ხარ!

ქ. პლაიჰორნი

ბ. რაბინი

თარგმნა თ. გორდელაძემ

ნახატები მ. შოხნიძისია



ს ა გ ა ს ა



ზღაპარი

იყო ღარიბი ცოლ-ქმარი. ჰყავდათ ერთი მეტისმეტად პატარა ბიჭუნა, რომელსაც ნამცეცას ეძახდნენ.

ნამცეცა მოხერხებული და მარჯვე იყო. მუდამ იმას ცდილობდა, მშობლებს დახმარებოდა.

ერთხელ მამამ ნამცეცა ყანაში წაიყვანა. ურმის წინ თოლია კუდის ქიციანით მიცუნკულეებდა, კოფოზე ნამცეცა იჯდა, ხელში პატარა სახრე ეჭირა და მზიარულად მღეროდა:

შენ დილის მზეო ლამაზო,
ცხოველოსხივებიანო,
პატარა გლეხი მოგმართავ,
ამო, არ დაიგვიანო!

ყანაში მისვლისას მამამ უთხრა:

— შეილო ნამცეცა, წყაროდან ცივი წყალი მომიტანე და მერე ხარებს უღარაჯე, ყანაში არ შეიპარო.

— კარგი, მამა,—უპასუხა ნამცეცამ, პატარა ხელადას ხელი წამოავლო და თოლიასთან ერთად წყაროსაკენ გაიქცა.

ნამცეცას ხელადით მოტანილი წყალი ერთ ყლუპადაც არ ჰყოფნიდა ოქროპირს, მაგრამ იცოდა, ნამცეცას როგორ უყვარდა დასაქმება.

ვიღრე მამა სიძინდს თოხნიდა, ნამცე-



ცამ ხარები მდინარის პირას საბალახოდ წაიყვანა და თევზაობას შეუდგა. აი, ანეკის თევზი მოედო: ეწევა ბიჭი, მაგრამ მოზრდილი თევზი არ ნებდება, თავი-

საკენ იზიდაეს, საცაა წყალში ჩააგდებს ნამცეცას.

— თოლია, მიშველე!—წამოიძახა ნამცეცამ.

— ჰამ, ჰამ,—გამოეპასუხა თოლია და ხალათში ჩააფრინდა. მაგრამ თევზი მათზე უფრო ღონიერი აღმოჩნდა. ნამცეცამ ტყაპანი მოაღინა წყალში. ანეკის კი მაინც ხელი არ გაუშვა, თევზს მიჰყვება. თოლიამ აღარ იცის, რა ქნას: გაიქცეს ყანაში და პატრონს შეატყობინოს, თუ შეგობარს უშველოს. უეცრად ადგილიდან მოწყდა, წყალში შეტურდა, ნამცეცას ხალათში სწვდა, ზურგზე შეისვა და ნაპირისაკენ გამოსწია. რის ვაი-ვაგლახით გამოვიდნენ ნაპირზე და თევზიც გამოიყვანეს. მაგრამ ღონიერი ღლავი ახლოს არ იკარებდა, სხმარტალებდა და ისევ წყალში მიიწვედა.

— არიქა, თოლია, ჩქარა მამას დაუძახე,—შეეხვეწა ნამცეცა.

— ჰამ, ჰამ,—მიუგო თოლიამ, პატრონთან ქოშინით მიირბინა და შარვლის ტოტში პირი ჩაავლო.

— რა იყო, თოლია, რა ამბავია?

— ჰამ, ჰამ,—პასუხობს ძალღი და თან ანიშნებს, მომყევო.

ოქროპირი თოხით ხელში მამნივე გაჰყვა თოლიას.

ამასობაში ნამცეცამ ცულის ხელი წამო-

ავლო, თევზთან მიიბრინა, ცული ჰაერ-ში შემართა და თავში უნდოდა დაეკრა, მაგრამ თევზმა პირი დააღო და ნამცეცა თავის ცულიანად თვალის დახამხამებაში გადაყლაპა.

მივიდნენ მდინარესთან და რას ხედავენ ოქროპირი? დიდი ღლავი სადაცაა წყალში უნდა ჩახტეს და ნამცეცა კი არსადა ჩანს.

— ვაიმე, შეილო ნამცეცა, სადა ხარ? ამ დროს თევზმა პირი დააღო და ნამცეცას ხმაც ამოჰყვა:

— აქა ვარ, მამა!
— რა შეშელებია!—წამოიყვირა ოქროპირმა და ტირილი დაიწყო. დაღონდა თოლიაც. თევზის გარშემო ყფით დარბოდა და არ იცოდა, როგორ დაეხსნა მეგობარი. ამ დროს ხარებმა დაიზმუფლეს, ეშგერნენ თევზს და მუცელზე გაფატრეს. მუცლიდან ღლავის გადაყლაპული პატარა თევზები ამოცვივდნენ და მაშინვე სიხარულით წყალში გადაეშენენ. ნამცეცამაც ამოჰყო თავი, ცულით გზას მიიკვლევდა და თან მხიარულად მღეროდა:

მოვალ, მოვალ, მოვდივარ
პაწაწინა ნამცეცა,
მშობლებსა და მეგობრებს
გულს არ დავწყვეტ არც ერთსა.

სალამოს ვეებერთელა თევზი ურემზე დიდი გაკირვევით დაუდევს. ოქროპირი მიუძღოდა ურემს, თოლია უკან მიჰყვებოდა და თევზის გადმოშვერილ მოქანავე კუდს ხალისიანად შესტკვროდა. ნამცეცა კოფოზე იჯდა და არხეინად მღეროდა:

ნამცეცა ვარ პატარა,
თევზმა კუჭით მატარა,
ხარები და თოლია
რა ერთგული მყოლია.

შინ მისვლისას ოქროპირმა შესძახა:

— დედაკაცო, გარეთ გამოდი, ნახე, შენმა ნამცეცამ რა მოგიტანა! პატარა თუ არის, იმიტომაც ვერ აჯობა უზარმაზარ ღლავსა!

დედამ შეილი გულში ჩაიკრა, გადარჩენა და გამარჯვება მიუღოცა.

თევზი დაჭრეს, მოხარშეს, თვითონაც ჭამეს და ჩვენც გვაჭამეს!

ნახატები მ. თოთიბაძისა



წიწილა

რ. შარაშენი

ნახატები მ. სხალაძისა

ლუნლუნდამ და პაწიამ,
ოქროსფერმა წიწილამ
კვერცხი გამოამტვრია
და საქვეყნოდ იწივდა.

მზეზე გათბა და მწერებს
ომი გამოუტყადა,—
დაიჭირა ბუზი და
გადასანსლა უცბადა.

ასე უცებ ცხოვრება
სურს რომ გაიაფვილოს,
ჯერ არ დაბადებულა,
უკვე ბუზზე ნადირობს,

თარგმანი რუმინულიდან ჯ. ჩარკვიანისა





ბ ე ბ ო ს

— შეილო, სად გადამიკარგავ ხოლმე იმ ჯოხს, მიწოვე ჩქარა! — ეძებს ბუბო ჯოხს და ვერ უპოვია.


— ჯოხი კი არა ცხენია, ბუბო, ცხენი! — უსწორებს დათო.

— ცხენი იუოს, კარგი, ოღონდ მომიძებნე, უმიხოდ, ხომ იცი, მიჭირს სიარული!

ბუბოს და შეილიშვილიც დაეძებენ ჯოხს ეზოში, ოთახებში, კარადის უკან, ტასტის ქვეშ, ბუნარშიც კი შეიხედეს.

ბუბოს ჯოხი ორ მოვალეობას ასრულებს: ბუბოსათვის ჯოხია, დათოსათვის — ცხენი.

ეს არის მხოლოდ, დათომ ცხენის მოვლამატრონობა არ იცის; აჯირითებს, აჯირითებს და შემდეგ სადღაც მიაგდებს. მოდი და ეძებე შერე!



ჯ ო ხ ი

— ასე არ გამოგადგება! — ამბობს გაჯაფრებული ბუბო, — თუ კინდა, რომ ის ჯოხი შენი ცხენიც იუოს, მისი მოვლა უნდა ისწავლო; მოდი, მივუჩინოთ ერთი ადგილი დასამშვლად, მაშინ აღარც შენ იწვალე, აღარც მე; შენი ცხენი თავის ნებასე აღარსად გაიქცევა. ჰა, რას იტყუა?

— ეს რა კარგი რამე მოიგონე, ბუბო! — გაეხარდა დათოს.

ჯოხს აივინს კუთხეში მიუჩინეს ბინა. ჭოდა, რამდენი ხანია უკვე, აღარც დათოს კარგება ცხენი, აღარც ბუბოს — ჯოხი!

მ. გოლჟავაძე

ხაზატები მ. კოინიშვილისა



ზღვის ქანჭის ნაამბობი

აღბათ, თქვენც გაგიგონიათ სიტყვები: „მაგის ხნის ქვაც არ არისო“. მართლაც და ჩემზე დიდი ხნისა დედამიწაზე არავენ მეგულება. მე, პაწაწინა კენჭს რომ მხედავთ, ვინ იცის, რამდენიმე ასეული მილიონი წლისაც კი ვიყო. მაშ, რა გგონიათ! ჯერ რამდენი ასეული მილიონი წელი დედამიწის ქერქის ქვეშ ვიყავი ჩამალული, დიდ სიცხეში გამძნარ-გაუარვარებული. შემდეგ ერთ-ერთმა ბობოქარმა ვულკანმა ტოლებს მომაშორა და პაერში ამომისროლა. აქაც რამდენიმე მილიონი წელი მთებს შევაფარე თავი, მაგრამ ერთ მშვენიერ დღეს მდინარის ტალღებმა ჩემამდეც მოაღწიეს, მომგლიჯეს ჩემს მეგობრებს და კოტრიალ-კოტრიალით ზღვისაკენ გამაქანეს. თანდათან დავიღიე მდინარის კალაპოტზე ხოხვით.

კოტა ამოვისუნთქე, როდესაც ზღვის ნაპირზე გამოვირიყე. ტალღამ სილაში გამხვია. დალილს ტკბილად მიმეძინა, მაგრამ ხანმოკლე იყო ჩემი დასვენება; კვლავ წამოვიდა ტალღა და ნაპირისაკენ გამასერიანა. დიდხანს მატარა წინ და უკან, აღმა-დაღმა, გვერდები შემომიღიეწა და ბოლოს ნაპირზე გამომრიყა. ეჰ, აქეთიქით უთავბოლო სერილობამ დამაპატარაა, თორემ განა სულ ასეთი პაწაწინა ვიყავი!

ი. ჯიბლაძე

ყველა კარში გამოსულა,
შენ კი გცივა, მშიშარავ,
თოვლის პაპა გავაყეთოთ,
წამო, არა გიშავს რა!
უი, როგორ დამავიწყდა,
ვერ ჩავაცვი წინდები,
აი, თურმე რატომ გცივა,
ლუმელს რად ვერ სცილდები!

პ. მახარაძე




სათამაშო კურდღელი

ნ. შავჩიხილი

ჩემს ძამიკოს სათამაშო
მოუტანა მამილემ:
პაწაწინა ბაჭია ზის
და უჭირავს სტაფილა.

ბიკუნიათ გაიხარა,
უმად პირში წაიღო.
დავუშაღე, ისევ მიაქვს,—
ჯიუტია ძამიკო.

ღეღამ მითხრა:—ჭქონდეს. შვილა,
ეკვება ღრძილები,
და სუღ მადე ამოუვა
თაგუნისა კბილები.



უპილოები



ლ. ჭიჭინაძე

ავთოს დედა ზამთრისათვის ბევრ ხილს ინახავს ხოლმე.

ავთოს ხილის მადა კარგი აქვს, მაგრამ სადილს კილარ მიირთმევს. ამიტომ სადილობისას დიდი დავა იმართება დედასა და შვილს შორის.

ერთ კვირა დღეს ავთო შინ მარტო აღმოჩნდა. წიგნის კითხვა და წერა რომ მოგებოდა, ხილის ჭამის გუნებაზე დადგა. აივნის კედელზე ჩამოკიდებულ აკიდოებს ქაღალდები ჰქონდა ჩამოფარებული. მიიღვა სკამი, მისწვდა, აკიდოე-

ნახატები მ. როინიძეილისა

ბი ჩამოიღო, კედელზე კი მხოლოდ ქაღალდი დატოვა.

დედამ ნასადილევეს ყოველთვის რაიმე ხილის მოტანა იცოდა. ჯერი ყურძენზე მიდგა. მივიდა კედელთან ყურძნის აკიდოს ჩამოსაღებად, ასწია ქაღალდი და გაოცდა:

— ბიჭო, მთელი ყურძენი როგორ შექამე?

— არ შემიქამია!

— აბა, თავისთავად გაქრა?
— არა, ქერში ავიტანე, ყოველდღე რომ არ მეცქირა!— მიუგო ავთომ.

ჩემი დედოფალი


ა. მანაძე



დიდით ადრე ვსაუბრობ, ნებით, განა ძაღვ. ამ დროს ისევ ძიღშია ჩემი დედოფალი. გოგი ქარხნებს აშენებს, მე კი ბოსტანს ვკვებავ.

ამ დროს ხის ქვეშ ჩრდილში წევს ჩემი დედოფალი. დღეს თუ ვუთმენ აგრე, ვერ მოვუთმენ ზვადაც: გავაღვიძებ ადრე ზარმაც დედოფალს.

კობია



გასწავლი

ამირანს ვკითხე:—რა დროა,
ნადი, საათი ნახე!—
ნავიდა, გაქრა ბიჭუნა,
ალარ გვიჩვენა სახე.
თურმე რა: ცნობა არ იცის,
სირცხვილით ვერც კი ამხედს.
აქეთ-იქიდან ვეძახით:
—გასწავლით, საით ნახვედ!

ზ. შარაზალიშვილი

კბილი

— ბავშვებო, ბავშვებო!... მოდით, რა
გაჩვენოთ!—გასძახა ირამ ლენას და გუ-
გულის.—უინ გამოიცნობს, რა მაქვს მარ-
ჯვენა ხელში?—და მომუქული მარჯვენა
ცხვირწინ დაუტრიალა.
— რა უნდა ჰქონდეს?!—შეეკითხნენ
ერთმანეთს ლენა და გუგული.
— თბილი!—დაიძახა ლენამ.
ირამ უარის ნიშნად თავი გადააქნია.
— ვერც შენ გამოიცან! გაჩვენოთ?—
ირამ მუქი გაშალა და რა ნახეს?—
კბილი!
არც გაუკვირდათ და არც არა.
— მერე რა!—თქვეს.
ირა გაჯავრდა.
— მერე რა და დედამ თქვა, წინა კბი-
ლებს რომ დაიცვლი, სკოლაშიც წახ-
ვალო!

ნახატები მ. შოხიძისა



ამოცანა

რომელია მძიმე,
გამოიცან, აბა,
კილოგრამი ქვა თუ
კილოგრამი ბამბა?!

მ. ხაშაიანი

გამოიცანო, რამდენი
წლიხა წერო?



(6+9+3+1)



დ. ხუარძია

ხანატები შ. მხალაძისა

სარკეს უყვებს ფინია,
 უყვებს, თან ემინია.
 აღბათ ეცნაურება
 ძალი გრძელ-გრძელყურება.
 ტყუპს შესცქერის სახეში,
 როგორ გაჩნდა სარკეში?
 ხან დაულრენს ბრაზითა,

ისიც წარბებს აზიდავს.
 დაცუტქვება სარკესთან,
 კუღს დაკეცავს სამკეცად.
 ხან თათს უწვდის აღერით,
 ხან კბილს აჩენს აღესილს.
 ხან სთხოვს: ჩემო ფინია,
 გამო, ნუ გემინია!

გამოცანა

ორმა მამამ და ორმა შეიღობა სამი კურ-
 დღელი მოაქლეს; თითო იმათგანს კი თითო
 კურდღელი მიჰქონდა შინ. როგორ?

(ენმედგასყამე ამათგ ან იფეგ 'იდეგ'
 („ნაკადულიდან“)



ყვის მხატვრობა გეტონის ალ. ზანძელაძეს მაცეტი—გ. ფოცხოველისა
 რედაქტორი იოსებ ნოზიშვილი. საბუღალტრო კოლეგია: გრ. აბაშიძე, ეკ. ბურჯანაძე, ი. გრიშაშვილი,
 კ. გოჯიაშვილი, ჰაყვალა მრეველიშვილი (რედაქტორის მოადგილე), რ. მარგანი, ი. სიხარულიძე, ნ. უნაჟოშვილი,
 შ. ცხადაძე (სამხატვრო რედაქტორი) გამომცემის ოცდამეათე წელი შანი 2 მან-

Д И Л А — еженедельный детский журнал ЦК ЛОСМ Грузии № 2, февраль 1967 г. Тбилиси: Прост. Плевкшвია 91.
 საბლიტბამი, რედაქციის მისამართი: თბილისი, პლავნივის შრომა 91. ტელ. 3-37-95. გამოც. შეჯ. № 659 სტამბის შეჯ. № 1844/99
 ტირაჟი 25 000. ვი 01202 ხელმოწერილია დასაბამლად №1-57 შ. ტაშაბი ამჟომილია პოლგრაფკომისტ კაიხიშვიტაძე
 ხამამაში. კანალი დახმულია დიათ-ოფსეტრ ბეჭდურ ფაბრიკაში



სიყვავი - პრყვავი

ნახატები ა. კანდელაკისა

